

四庫全書

經部

欽定四庫全書

經部

欽定詩經傳說彙纂卷八

詳校官監察御史_臣曹錫寶

通政使司副使_臣英瞻萊覆勘

覆校官編修_臣沈清藻

校對官中書_臣袁文邵

謄錄監生_臣李逢堯

欽定四庫全書

欽定詩經傳說彙纂卷八

陳一之十二

集傳陳國名太皞伏羲氏之墟

孔氏穎達曰大皞又號虛戲故連言

之虛戲即伏羲字異音義同也

在禹貢豫州之東其地廣平無名

山大川西望外方

許氏謙曰外方見王風

東不及孟諸

孔氏穎達

曰明猶尚書作盟猶即左傳稱孟諸之麋爾雅云宋有孟諸是也但聲訛字變耳

周武王

時帝舜之胄有虞閼

音過

父爲周陶正武王賴其利

器用與其神明之後以元女大姬妻其子滿而封之於陳都於宛丘之側與黃帝帝堯之後共爲三

恪是爲胡公

孔氏穎達曰昭八年左傳史趙云胡公不淫故周賜之姓使祀虞帝則胡

公姓媯武王所賜也恪者敬也王者敬先代封其後樂記云武王未及下車封黃帝之後於薊封帝堯之後於祝封帝舜之後於陳下車乃封夏后氏之後於杞封殷之後於宋明陳與薊祝共爲三恪杞宋別爲二

大姬婦人尊貴好樂

五教反

巫覡

胡狄反

歌舞之事

孔氏穎達曰楚語曰在女曰巫在男曰覡

其民化之今之陳

州即其地也

皇興表陳州今開封府陳州隸河南

集說

鄭氏康成曰大姬好巫覡禱祈鬼神歌舞之樂民俗化而爲之五世至幽公當厲王時政

衰大夫淫荒所爲無度國人傷而刺之陳之變風作矣○蘇氏轍曰陳之變風原出於大姬蓋列國之風皆有所自起方周之盛時王澤充塞其善者萬於善不善者以禮自將亦不至於惡其後周德既衰諸侯各因其舊俗而增之善者因善以入於惡而不善者日以益甚故晉以堯之遺風爲儉不中禮陳以大姬之餘俗爲游蕩無度亦理勢然也○朱氏公遷曰陳檜曹皆小國故居變風之終又變風訖於陳靈陳有靈公之詩亦宜居變風之終但檜曹比陳爲尤小且有思治之詩故二國不可先陳而以陳列於其前也

子之湯

他郎他浪二反

兮宛丘之上

辰羊辰亮二反

兮洵音荀有情兮而

無望

武方武放二反

兮

集傳賦也子指遊蕩之人也湯蕩也四方高中央下

曰宛丘

漢氏一之曰宛丘因以爲其地之名○王氏應麟曰郡縣志宛丘在陳州宛丘縣南三里

括地志縣在陳城中古陳國

洵信也望人所瞻望也○國人見此

人常遊蕩於宛丘之上故叙其事以刺之言雖信有

情思而可樂矣然無威儀可瞻望也

集說

呂氏祖謙曰湯雖訓蕩與徑斥爲淫蕩者辭氣緩急猶不同洵有情兮而無望兮從容不迫而

諷切之者深矣○輔氏廣曰遊蕩以爲樂情也威儀之可望禮也溺於情者必不足於禮故詩人譏之

○坎其擊鼓宛丘之下

叶後五反

無冬無夏

叶與下同

值直置反其

鷺羽

集傳賦也坎擊鼓聲值植也鷺春鉏

陸氏佃曰鷺步於淺水好自低

昂故曰春鉏也

今鷺鷺好而潔白頭上有長毛十數枚羽以

其羽爲翳舞者持以指麾也

孔氏穎達曰鷺羽執持之物故以植爲持鷺羽

可以爲舞者之翳故持之也

言無時不出遊而鼓舞於是也

集說

范氏祖禹曰冬夏初寒大暑之時也人之好樂於是時必少息焉今也無冬無夏則其他時可

知矣○徐氏常吉曰古者春秋教以禮樂冬夏教以詩書今冬夏值其鷺羽則常舞而無度矣此商書所

謂恒
舞也

○坎其擊缶

方有反

宛丘之道

叶徒厚反

無冬無夏值其鸞翽

音導叶
殖有反

集傳賦也缶瓦器可以節樂

孔氏穎達曰易離卦九三云鼓缶而歌則樂器

亦有缶坎卦六四樽酒簋載用缶則缶又是酒器也
襄九年宋災左傳曰具綆缶備水器則缶是汲水之
器然則缶是瓦器可以節樂若今擊
甌又可以盛水盛酒即今之瓦盆也翽翽也

總論

輔氏廣曰後兩章但再述其事以見其遊蕩之
無時耳寒暑而不休則無時而止矣○樂固人

之所喜也然必一張一弛時出而用之然後可以
悅其心志舒散其氣血倘作樂無時則適足以陷溺

其心
爾

宛丘三章章四句

集說

鄉氏泉曰此詩見習俗之敝而詩人刺之亦不爲習俗所移者矣

紫序宛丘刺幽公也毛萇解之曰子指大夫經所陳乃大夫之事由君化之使然故舉大夫之事以刺之鄭康成則曰子者斥幽公也是經序相符也孔穎達申其說曰經之所陳皆幽公之事不宜以爲大夫隱四年公子翬謂隱公曰百姓安子諸侯說子則諸侯之臣亦呼君曰子故易傳也朱子曰子指遊蕩之人也辨小序曰陳國小無事實幽公但以惡諡故得遊蕩無度之詩未敢信也解經可謂慎矣然曰望人所瞻望也則仍似屬有位者言也若閭巷細民鼓舞於宛丘何係輕重而國人作詩以刺之又致夫子錄是

詩以冠陳風之首重爲後世戒耶蓋上行則下效序
與傳箋推其原則有所指朱子以爲無其據則主泛
言然其相因之理一也又集傳云大姬好樂巫覡歌
舞之事其民化之其說始於漢儒此則又推陳風漬
漸之由非謂宛丘之詩也

東門之枌

符云反

宛丘之栩

沉浦反

子仲之子婆娑

素何反

其

下

叶後五反

集傳賦也枌白榆也先生葉邵著莢皮色白

嚴氏纂曰枌解

見唐山有樞栢解見唐鵠羽

子仲之子子仲氏之女也

嚴氏纂曰次章言不

績其麻知子仲之子爲指女子也

婆娑舞貌

孔氏穎達曰孫炎曰舞者之容婆娑然○何氏

措曰或婆娑於粉之下或婆娑於
棚之下明其非一時非一處也

○此男女聚會歌

舞而賦其事以相樂也

集說

嚴氏絜曰陳都宛丘之側其東門與丘之間乃
國之交會其處又有粉棚二種之木可以休息

故陳大夫子仲氏之女乃婆娑遊遊於其下蓋以相
誘說也遊蕩之俗以貴族猶爲之何責於小民乎○
徐氏常吉曰東門人所出入宛丘人所往來有粉棚
之陰人所趨聚也子仲氏以大夫之女聚舞已非所
宜况男女相
與而慕悅乎

○穀旦于差

初佳反叶
七何反

南方之原

無韻
未詳

不績其麻

叶謨
婆反

市也婆娑

集傳賦也穀善差擇也○既差擇善旦以會於南方

之原

歐陽氏修曰男女淫奔多在國之郊野所謂南方之原者猶東門之墀也○李氏樗曰毛鄭以

原爲陳大夫而以原爲氏不甚明白於是棄其業以

舞於市而往會也

集說

范氏祖禹曰先王惡夫飽食而逸居是故君子勤禮小人盡力所以愛日也今也民於善日則

擇高明之地而荒樂焉○黃氏樵曰嘗觀豳之風俗其男耕其婦饁其女桑至於八月載績則蠶事畢而麻事起矣今陳之風俗至於男女不紡績其麻市也婆娑此所謂上有好者下必有甚焉者也○馮氏復京曰案市朝之市在國中者乃是商賈貿易之地揆之地勢不宜聚會歌舞於其間也上文云南方之原

其地必閭曠而可樂意者如遺人道路之市歟古者
八家同井家有私田百畝公田十畝餘二十畝爲井
竈廬舍即就廬舍以交易市井之名殆出於此而後
世因謂國都之市亦爲市井則此詩所謂市者或在
野外田間
未可知也

○穀旦于逝越以駸

子公反

邁

叶力反

視爾

如莪

和饒反

貽我

握椒

集傳賦也逝往越於駸衆也

鄭氏康成曰駸總也○孔氏穎達曰謂男女總

集而合行也

邁行也莪

音毗

菜

音浮

也又名荊葵紫色

蘇氏轍曰

莪小草而多華○羅氏願曰荊葵比戎葵葉小花似五銖錢大色粉紅有紫文縷之一名錦葵大抵似蘆

花椒芬芳之物也○言又以善旦而往於是以其衆
行而男女相與道其慕悅之詞曰我視爾顏色之美
如茈菜之華於是遺我以一握之椒而交情好也

集說

蘇氏轍曰男女既相告以相差擇今則又相告
而往矣於是遂行往會之於其會也相謹以荏

而相遺以椒相與爲淫蕩而莫知恥也○朱氏道行
曰于逝之逝有忘返意以酸而邁謂男女成羣如雲
如荼也如荏之贊男悅女也握椒之奉女昵男也至
是直與漆洧秉蘭之謹勺藥之贈同風無復先王家
教之遺矣

總論

輔氏廣曰夫民勞則思思則善心生逸則淫淫
則忘善忘善則惡心生理勢之必然也陳國之

地廣平又以大姬之化故其俗淫蕩無度男女聚會歌舞婦人棄其所業相與慕悅各有所贈以交情好動其淫欲者亦其勢之必然也

東門之枌三章章四句

集說

王氏安石曰東門之枌宛丘之應也

衡門之下可以棲

音西

遲泌

悲位反

之洋洋可以樂

音洛飢

集傳賦也衡門橫木為門也門之深者有阿塾堂宇

許氏謙曰考工記門阿注棟也疏屋脊考工記注引爾雅門側之堂謂之塾則堂即塾也又案屋之基亦曰堂周禮堂崇三尺堂崇一筵禮記天子之堂九尺皆指堂基而言則堂宇作基說為長說文字屋邊即

屋四

此惟衡木為之

孔氏穎達曰衡古文橫假借字也衡橫義同門惟橫木為之言

其淺也

棲遲遊息也泌泉水也

孔氏穎達曰邶風有泌彼泉水知泌為泉水○

嚴氏粲曰此泌與彼泌字異義同亦當為泉水之流貌

洋洋水流貌○此隱居

自樂而無求者之詞言衡門雖淺陋然亦可以遊息
泌水雖不可飽然亦可以玩樂而忘飢也

集說

許氏謙曰衡門之詩隱士所作命士之堂三尺庶人蓋無級門之制衡門固隱士之常爾○顧

氏起元曰衡門以所居而安言泌水以所玩而樂言泌水非真可飽玩泌水可樂自忘其飢爾

附錄

歐陽氏修曰詩人以僖公可以勉進之云衡門雖其懦無自立之志故作詩以誘進之

淺陋若居之不以爲陋則亦可以遊息於其下泌水洋洋然若閱之而樂則亦可以忘飢言陳國雖小若亦可以爲政

○豈其食魚必河之魴音房豈其取妻必齊之姜

集傳賦也姜齊姓

集說瞿氏景淳曰食魚取妻雖不是借言然賢者之意自當廣也

○豈其食魚必河之鯉豈其取妻必宋之子叶獎里反

集傳賦也子宋姓

集說陸氏佃曰里語曰洛鯉伊魴貴於牛羊言洛以深宜鯉伊以清淺宜魴也河性宜魚故曰河之

鮎河之鯉○朱氏公遷曰食色性之欲也而食魚不必鮎鯉取妻不必齊姜宋子則凡所以自奉者皆不求全而責備矣素位而行不願乎其外斯人之謂歟

附錄

歐陽氏修曰既言雖小亦可有爲又言何必大國然後可爲譬如食魚者凡魚皆可食若必待

鮎鯉則不食魚矣譬如取妻諸姓之女皆可取若必待齊宋之族則不取妻矣是首章之意言小國皆可爲而二章三章言大國不可待而得也

總論

輔氏廣曰此詩以爲隱居自樂而無求者之辭則辭順理明甚易而實是夫逐物徇外乃人之

常情今玩其辭意安愉恬淡非樂內者有所不能也○熊氏朋來曰人須是世味淡則能隱亦須世味淡則能樂衡門可棲遲居不求安也必可樂飢食不求飽也然飲食男女人之大欲故特以食魚取妻言之

○許氏謙曰前一章有自足之意後兩章無外慕之心此雖賦體而實似比也○劉氏瑾曰能隱居者必能自樂能自樂者必能無求故三者之意備見於一詩之間首章上二句可見其隱居下二句可見其自樂後兩章又可見隨遇而安無求於世也

附錄

蘇氏轍曰夫棲遲必大屋樂飢必飲食食魚必

有而爲之及其至也雖天下之美無加焉不然雖有天下之至美而常挾不足之心以待之則終亦不爲而已矣僖公自謂小國無意於爲治故陳此以誘之

衡門三章章四句

集說

王氏柏曰陳風十篇止有衡門一詩爲善其餘多男女會遇之作亞於鄭風矣○黃

氏佐曰隱居者自爲此詩與考槃不同蓋考槃是他人美之者也故此詩無贊美之詞

附錄

孔氏穎達曰作衡門詩者誘僖公也以僖公慙愿而無自立之志故國人作是詩誘

使自強行道令與國致理也○范氏處義曰是詩與甫田皆視其君之失而正救之齊襄公志大心勞所謂過也詩人則抑之陳僖公愿而無立志所謂不及也詩人則誘之與聖人教人之意同也

案序之說詩於十五國風其旨多矣曰美曰刺曰勸曰惡曰思曰閔曰傷曰疾曰怨曰責曰止曰懼曰戒曰哀曰憂至直賦其事者因事以爲文而曰誘者獨見於陳風之衡門一篇蓋僖公愿而無立志故作是詩以誘掖之也其有忠愛之意歟夫既以爲誘則三章俱作比看朱子改以爲隱者自樂而無求者之詞

則三章俱作賦看於義似較直捷矣然古說亦可通節存其意俾後之窮經者有以博考焉

東門之池可以漚

烏豆反

麻

叶謨反

彼美淑姬可與晤

五故反

歌

集傳興也城池也

鄭氏康成曰孔安國云停水曰池○孔氏穎達曰以池繫門言

之則此池近在門外諸詩言東門皆是城門故以池爲城池

漚漬也治麻者必先

以水漬之

孔氏穎達曰考工記幌音茫氏以況音稅水漚其絲注云漚漸也謂漸漬使之柔勸

也晤猶解也

黃氏佐曰蓋我與歌之彼自解之之意

○此亦男女會遇

之詞蓋因其會遇之地所見之物以起興也

集說

孔氏穎達曰黃帝姓姬炎帝姓姜二姓之後子孫昌盛其家之女美者尤多左傳引易詩云雖

有姬姜無棄憔悴是以姬姜爲婦人美稱也○董氏
逌曰周姬姓陳因元女以封故詩人猶言淑姬○唐
氏汝諤曰以池可治物人可快心爲興○沈氏守正
曰水經注陳城東門內有池水至清潔而不耗竭即
其地也見是公共之所人人可往無禁止
也漚者漸漬之詞見可以浸淫而無害也

附錄

鄭氏康成曰於池中柔麻使可緝績作衣服興
賢女能柔順君子成其德教晤猶對也言淑姬

淫昏故思得賢女配之與之對偶而歌冀其切化使

君爲善○張氏次仲曰淑女非妖麗之稱晤歌亦無

戲浪笑傲之態池水漚麻以喻漸漬而不覺淑姬晤
歌以見婉轉而善入

○東門之池可以漚紵直呂反彼美淑姬可與晤語

集傳興也紵麻屬

陸氏璣曰紵科生數十莖宿根在地中至春自生不歲種也荆揚之

間一歲三收○范氏祖禹曰紵以當暑

○東門之池可以漚菅

古顏反叶居賢反

彼美淑姬可與晤言

集傳興也菅葉似茅而滑澤莖有白粉柔韌而振反宜

爲索也

范氏祖禹曰菅以爲屨○濮氏一之曰左傳云雖有絲麻無棄菅蒯蒯與菅皆謂苕也黃

華者俗名黃芒即蒯也白華者俗名白芒即菅也

總論

許氏天贈曰晤歌與之合曲而歌也晤語與之相答述也晤言與之相言論也

東門之池三章章四句

集說

輔氏廣曰序以詩中淑姬二字故生其說正如靜女之詩由靜女而生說也殊不知

彼美淑姬云者乃男悅女之辭彼自以爲美自以爲淑耳非真有賢淑之德也

附錄

鄭氏伯熊曰觀齊雞鳴之詩其相警戒之言則閨門之興笑歌謔言故足以浸漬其

君之心而革其惡此東門之詩所以思賢女也

案東門之池古序以爲刺時衍其說者以爲疾時之不然而思得賢女以配君子也朱子改爲男女聚會之詞而以淫詩例之然玩其詞氣却無褻狎譏浪之意漢儒之說殆以是歟

東門之楊其葉牂牁

反子桑

昏以爲期明星煌煌

集傳興也東門相期之地也楊柳之揚起者也牂牁
盛貌明星啟明也煌煌大明貌○此亦男女期會而
有負約不至者故因其所見以起興也

集說

朱氏公遷曰語不相應義不相因特即所見以爲興○顧氏起元曰此女負約而男作詩也興

意其枝揚則其葉盛反興約昏爲期而夕不至也明星煌煌言所期不見但仰見明星之煌煌而已

附錄

毛氏萇曰言男女失時不逮秋冬○鄭氏康成曰楊葉牂牁三月中也喻時晚也失仲春之月

親迎之禮以昏時女留他色不肯時行乃至大星煌煌然○孔氏穎達曰禮當及時配合女當隨夫而行至使昏姻失時男女相違如是故舉以刺時也○士昏禮執燭前馬是親迎之禮以昏也用昏者取陽往

陰來
之義

○東門之楊其葉肺肺

反普計

昏以爲期明星哲哲

反之世

集傳興也肺肺猶牂牁也哲哲猶煌煌也

總論

黃氏一正曰言東門之楊葉盛可蔽而又昏以爲期良可相會今乃失約而至於明顯之時則

不遂所欲矣

東門之楊二章章四句

集說

輔氏廣曰自宛丘而爲東門之粉自東門之粉而爲東門之池東門之楊益俗之流

而勢之下也有國者之於導民可不謹哉

附錄

羅氏蔡曰陳東門之楊與鄭丰皆親迎而女不至言刺時猶言刺亂以時使然也○

謝氏枋得曰男親迎而女不至此風俗之弊人道之變淫亂而不知禮義者也

紫集傳此篇改序說爲男女期會而負約不至之詩然考朱子初解曰東門蓋此人親迎之所以其所見起興曰東門之楊則其葉牂牁矣昏以爲期而明星煌煌矣蓋從序說也今姑存之

墓門有棘斧以斯

所宜反

之夫也不良國人知之知而不

已誰昔然矣

集傳興也墓門凶僻之地多生荆棘斯析也

孔氏穎達曰釋

言云斯離也孫炎曰斯析之離是斯爲析義也○濮氏一之曰斯莊子斯而析之

夫指所刺

之人也誰昔昔也猶言疇昔也

邢氏昺曰毛傳云昔久也郭云誰發語詞

○言墓門有棘則斧以斯之矣此人不良則國人知之矣國人知之猶不自改則自疇昔而已然非一日之積矣所謂不良之人亦不知其何所指也

集說

輔氏廣曰人之爲惡初動於隱微之中猶有懼人之知之心至於公然形肆於外則已無所忌

憚矣然猶幸其爲人所規正刺譏而有改也今其爲惡至於國人皆知之而猶不自改則非一日之積蓋

不可得而救藥之也○唐氏汝諤曰惡木生於幽僻爲斧所析惡行發於隱微爲人所知此興意也

附錄

鄭氏康成曰興者喻陳佗由不覲賢師良傅之訓道至陷於誅絕之罪○蘇氏轍曰桓公之世

陳人知佗之不臣矣而桓公不去以及於亂是以國
人追咎桓公以爲桓公之智不能及其後故以墓門
刺焉夫陳佗也佗之不良國人莫不
知之者知而不之去昔者誰爲此乎

○墓門有梅有鵲萃止夫也不良歌以訊叶息反之訊予

不顧

叶果反

顛倒思予

叶演女反

集傳興也鵲鵲惡聲之鳥也

陸氏璣曰鵲大如斑鳩綠色入人家凶賈誼所

賦鵲鳥是也其肉甚美可爲羹臠又可爲炙○漢氏一之曰楚辭注鵲鵲二物又云鵲似鵲本草云其實

一耳莊子見彈而求鵲炙是也萃集訊告也顛倒狼狽之狀○墓門

有梅則有鵲萃之矣夫也不良則有歌其惡以訊之

者矣。訊之而不予。顧至於顛倒。然後思予。則豈有所及哉。或曰。訊予之予。疑當依前章作而字。

集說

黃氏一正曰。言梅本嘉木。鵲本惡鳥。今墓門有梅生。非其地。則鵲亦萃止矣。夫也失其故性而

不良。則豈不有歌以訊之者乎。○姚氏舜牧曰。凡人之不良者。初不畏人之知。亦不顧人之訊。至於顛倒。然後致思。則已無及矣。此有識者必辯之於早。不待狼狽而後爲無及之思也。○唐氏汝諤曰。僻地有梅。則惡聲者皆聚其中。幽獨有思。則惡惡者得發其隱。故又以爲興。

附錄

程子曰。前章言有棘。言侗之不善。後章言有梅。深咎輔導之使然。梅雖美木。生墓門。荆棘荒蕪

之處。則惡鳥萃矣。雖有良心。善性與不善人處。則惡歸矣。

總論

薛氏志學曰上章言積惡不悛而追咎其始深絕之也下章言悔過無及而永思其終微教之

也總是愛人無已之意

墓門二章章六句

集說

唐氏汝諤曰此爲刺惡之詩

附錄

陳氏鵬飛曰此詩雖以刺佗乃是耆舊之賢者備見始末追咎先君不能爲佗置良

師傳也○范氏處義曰佗桓公之弟也桓公卒而佗立明年爲蔡人所殺佗當桓疾病殺太子而以已代之可謂不義陳由是亂國人至於分敬所謂惡加於民也序詩者不以爲君直言陳佗蓋得春秋不稱爵書蔡人殺陳佗之旨與書衛州吁鄭忽同也

案朱子初解曰此詩刺佗而追咎先君不能爲佗置良師傳以至於此也又解末章曰夫也不良則有歌其惡以訊之者矣訊之而不予顧至於顛倒然後思予則豈有及哉亦追咎之辭也與諸儒舊說相同及著集傳以陳國君臣事無可紀獨陳佗以亂賊被討見書於春秋序遂以此詩與之不知其信然否也蓋亦未決之詞但序曰刺佗傳之國史陳有佗與衛有州吁鄭有叔段等采風者皆不得無詩況陳事既無他籍可考而此詩業有古序可據則諸儒之從序說似不必致疑於千載之下矣

防有鵲巢邛

其恭反

有旨茗

徒雕反叶徒刀反

誰侮

陸留反

予美心

馬忉忉

都勞反

集傳興也防人所築以捍水者

周禮稻人以豬畜水以防止水

邛邛

孔氏穎達曰土之高處草生尤美故邛爲邱○何氏
楷曰防邛一說皆陳地名郡國志陳國陳縣注引博
物記云邛地在縣北防亭在焉
愚案防隄也朱子之解得之
旨美也莒莒饒也莖

如勞豆而細葉似蒺藜而青其莖葉綠色可生食如

小豆藿也

孔氏穎達曰莒之華傳云莒陵莒此直曰
莒草彼陵莒之草好生下溼此則生於高

邱與彼
異也

俯俯張也猶鄭風之所謂迂

居望

也

濮氏一
之曰俯

爲誰誕則字與詩同書
云詩張爲幻之意也

予美指所與私者也忉忉憂

貌○此男女之有私而憂或間之之詞故曰防則有

鵲巢矣邛則有旨莒矣今此何人而俯張予之所美

使我憂之而至於怵怵乎

集說

朱氏公遷曰彼所宜有之物則皆有此所不當有之事乃有之蓋以尋常之物興怪異之事也

○黃氏一正曰鵲善相地安則爲巢若宜荒地不戕則旨今防有鵲巢邛有旨若則各得其所矣而予之所美者顧爲併張而不得其所乎○鄒氏泉曰言駕不根之詞以併張之而生彼攜貳之心也

附錄

鄭氏康成曰防之有鵲巢邛之有美若處勢自然喻宣公信多言之人故致此讒人○歐陽氏

修曰讒言惑人非一言一日之致必由累積而成如防之有鵲巢漸積構成之爾又如若饒蔓引牽連將及我也○程子曰併謂詩張迂迴誣罔人者必迂曲以致其惡予美心所賢者憂讒誣賢善也

○中唐有甓

蒲歷反

邛有旨鵲

五歷反

誰併予美心焉惕惕

吐歷
反

集傳興也廟中路謂之唐

毛氏萇曰中中庭也唐堂塗也○孔氏穎達曰以唐

是門內之路故知中是中庭孫炎云堂達堂下至門之逕也

甃

音瓠零甃滴音也郭氏璞曰

甃甃音廐專也今江東呼爲瓠甃

鷓鴣小草雜色如綬

董氏通曰鷓鴣舊作鷓○劉氏瑾

曰案埤雅鷓鴣本鳥名亦名綬鳥咽下有囊如小綬具五色此傳所釋鷓鴣草之名豈因其似鷓鴣鳥而取義乎

惕惕猶忉忉也

集說

黃氏一正曰言中唐有甃人罕踐之故能成其美邛有旨鷓鴣人莫戕之故能成其文今予之所

美者而人顧侮張之使我心惕惕乎

附錄

歐陽氏修曰中唐有簞非一簞也亦以積累而成旨鵬綬草雜衆色以成文猶多言交織以成

感義與

貝錦同

總論

朱氏公遷曰憂慮之意反覆道之

防有鵲巢二章章四句

集說

輔氏廣曰遊蕩歌舞陳之俗也其流爲淫邪者宜矣故陳風之末大抵皆淫亂之詩

此詩與鄭風揚之水相似

附錄

孔氏穎達曰經二章皆上二句言宣公致讒之由下二句言已憂讒之事○嚴氏粲

曰此詩憂讒賊者詩人爲賢者憂之也

案防有鵲巢序曰憂讒賊也鄭康成曰所美謂宣公也程子曰予美心所賢者一言下之誑君以讒人一言奸之誑善以害人皆作詩者憂患之意朱子曰予美指所與私者而定此詩爲男女有私憂或閔之之詞然不指其所謂予美者爲男乎爲女乎夫風詩之託興甚遠簡兮之彼美爲盛王葛生之予美爲君子詞可作男女夫婦讀意可作君親朋友觀即不泥爲宣公而程子之說爲可思矣

月出皎兮佼

反古卯

人僚

了音

兮舒窈

反烏了

糾

反巳

兮勞心

悄

反七小兮

集傳興也皎月光也佼人美人也

陸氏德明曰佼又作姣方言云自關

而東河濟之閔好謂之姣○僚好貌窈幽遠也糾愁

次定曰

欽定詩經傳說彙纂

十八

結也

顧氏起元曰言思之幽遠不可窮綰結不可解也

悄憂也

鄭氏康成曰思而不見則

憂○王氏安石曰悄言不說而靜默

○此亦男女相悅而相念之詞言

月出則皎然矣佼人則僚然矣安得見之而舒窈糾之情乎是以爲之勞心而悄然也

集說

蘇氏轍曰婦人之美盛如月出之光○朱氏公遷曰此因所見以起興蓋月出於夜正私心所

發之時○沈氏守正曰勞心悄兮付度其心若謂佼人思已者

○月出皓

胡老反

兮佼人慍

力久反叶朗老反

兮舒憂

於久反

受

叶時

倒反

兮勞心慍

七考反

兮

集傳興也慟好貌懣受憂思也怪猶悄也

王氏安石曰怪言不

騷動安而

○月出照兮佼人燎

力召反

兮舒天

於表反

紹實照

兮勞心

慘

當作慄七弔反

兮

集傳興也燎明也

董氏直曰燎則其光與月並

天紹糾緊之意慘

憂也

王氏安石曰慘言不舒而憂愁

集說

輔氏廣曰窈糾懣受天紹大抵是人心憂思牢結而難解之意然有淺深至於糾緊則甚矣○

朱氏公遷曰凡人心平則舒緩有憂則糾緊

總論

呂氏祖謙曰此詩用字聲牙意者其方言歟○
朱氏善曰月出之詩其悅之也至矣其思之也

切矣其憂之也深矣移是心以好賢亦將何
求而不獲哉惜也吾未見好德如好色者也

月出三章章四句

集說

沈氏守正曰此詩與澤陂朱子皆以爲男
女相悅之詞今玩倭人蓋男思女之詞也

胡爲乎株林從夏

反戶雅

南

反叶尼心

匪適株林從夏南

集傳賦也株林夏氏邑也

王氏應麟曰郡國志陳縣
注陳有株邑蓋朱襄之地

襄字記陳州南頓縣西南三十里有夏亭城城北五
里有株林郡縣志宋州柘城縣本陳之株邑詩株林

是夏南徵舒字也

孔氏穎達曰徵舒字子
南以氏配字謂之夏南

○靈公

嚴氏

梁曰疏曰靈公淫於夏徵舒之母朝夕而往夏氏之
平國共公朔子

邑故其民相與語曰君胡爲乎株林乎曰從夏南耳
然則非適株林也特以從夏南故耳蓋淫乎夏姬不
可言也故以從其子言之詩人之忠厚如此

集說

范氏處義曰不斥夏姬而言夏南夏南實主其
家國人亦預憂其禍必作於夏南也○張氏彩

曰意當時靈公諱言夏氏而
託株林以爲辭故詩云然

○駕我乘

繩證反

馬

叶滿補反

說

音稅

于株野

叶上與反

乘

平聲

我乘駒

朝食于株

集傳賦也說舍也馬六尺以下曰駒

集說

輔氏廣曰首章猶爲之隱也至末章則不容隱矣但惜其車馬之被汚而已詩人雖爲公隱而

公則自不以爲恥也馳驅乘馬而朝食于株則其無恥甚矣○嚴氏縈曰駕一乘之馬則舍說于株林之野乘一乘之駒則又朝食于株原無他往朝朝暮暮只往株林何爲也哉○沈氏守正曰旣乘馬又乘駒非一往也亦見非微行也

總論

姚氏舜牧曰胡爲株林二句是問其行匪適株林二句是實其事駕我乘馬二句是道其往之

無他乘我乘駒二句是道其見之欲亟○許氏天贈曰首章本言從夏姬也然但指其子而不直斥其所從之人末章言從夏姬之類也然不指其人而但言其所至之地此詩之厚也

株林二章章四句

集傳春秋傳夏姬鄭穆公之女也嫁於陳大夫

夏御叔靈公與其大夫孔寧儀行父通焉洩治

諫不聽而殺之

宣公九年左傳陳靈公與孔寧儀行父通於夏姬皆衷其袒服

以戲於朝洩治諫曰公卿宣淫民無效焉且聞不令君其納之公曰吾能改矣公告二子二子

請殺之公弗禁遂殺洩治後卒爲其子徵舒所弑而徵舒復

爲楚莊王所誅

宣公十年左傳陳靈公與孔寧儀行父飲酒於夏氏公謂行父

曰徵舒似女對曰亦似君徵舒病之公出自其廋射而殺之二子奔楚○宣公十一年左傳楚

子爲陳夏氏亂故伐陳謂陳人無動將討
於少西氏遂入陳殺夏徵舒輟諸栗門

集說

朱氏公遷曰荒穢者必亡弑逆者必誅集
傳舉其大要而所以示鑒戒者亦明矣○

朱氏善曰衛之亂至於牆有茨而極於是有狄
入衛之禍陳之亂至於株林而極於是有楚入
陳之禍然則狄非能入衛也宣姜實召之也楚
非能入陳也夏姬實召之也此所謂女戎也比
淫亂者之戒矣

彼澤之陂

叶音波

有蒲與荷

音何

有美一人傷如之何寤寐

無爲涕

他弟反

泗

音四

滂

普光反

沱

徒何反

集傳興也陂澤障也

孔氏穎達曰謂澤畔障水之岸

蒲水草可爲席

者

呂氏祖謙曰說文曰蒲者似莞音官而編有脊滑柔而溫○嚴氏粲曰莞精蒲藪

荷芙蕖

也

爾雅荷芙蕖其莖茄音加其葉蓮音蓮其本莖音密其華蓮莖其實蓮其根藕其中的的中薏○李

氏巡曰分別蓮莖花葉實之名芙蓉其總名也

自目曰涕自鼻曰泗○此詩

之旨與月出相類言彼澤之陂則有蒲與荷矣有美

一人而不可見則雖憂傷而如之何哉寤寐無爲涕

泗洿沱而已矣

集說

孔氏穎達曰陂障之中有蒲與荷之二草以喻男與女聚會之時相悅如是及其分離則憂思

相憶云有美好之一人我思之而不能見當如之何乎既不能見益復感傷覺寢之中更無所爲念此美

女涕泗洶沱淫風如此○蘇氏轍曰婦人之色如蒲荷之美思而不見故憂傷涕泗也○朱氏公遷曰物與地相稱事與願相違有字相呼而無字反應爲興

○彼澤之陂有蒲與蘭

古顏反叶居賢反

有美一人碩大且卷

其員反

寤寐無爲中心悁悁

烏玄反

集傳興也蘭蘭也

孔氏穎達曰以溱洧秉蘭爲執蘭則知此蘭亦爲蘭也

卷鬢

髮之美也

李氏樗曰卷美也盧令曰其人美且鬢字雖不同其義則一

悁悁猶悁

悁也

集說

嚴氏粲曰或疑碩大非婦人之稱觀衛風以碩人稱莊姜車牽稱辰彼碩女則詩以碩大稱婦

人多矣

○彼澤之陂有蒲菡

戶反

萏

大反

有美一人碩大

且儼

魚反

寤寐無爲輾轉伏枕

叶知反

集傳興也菡萏荷華也儼矜莊貌輾轉伏枕卧而不

寐思之深且久也

總論

孔氏穎達曰首章言荷指芙蕖之莖卒章言菡萏指芙蕖之華二者皆取華之美以喻女色但

變文以取韻耳二章言蘭者蘭是芬香之草喻女有善聞此淫佚之女必無善聲聞但悅者之意言其善耳○范氏處義曰詩人以蒲配荷配蘭配菡萏所謂男女相說也其未得之也則既思其人而感傷又思

其人髮之卷又思其人貌之儼寤寐之間不復他有所爲或涕泗俱下或悵悵憂感或輾轉廢寢此皆合男女之情而言之詩人言其情而不及於亂亦欲其止乎禮義也

澤陂三章章六句

集說

王氏安石曰澤陂株林之應也○輔氏廣曰男女相說至於憂思感傷如月出澤陂

其末流之害當何如哉男有男之業女有女之事今也寤寐無爲盡廢其事業是亦可憂也已情思之流其弊必至於此○張氏彩曰有闕雖之風則薰爲桃李之正而隣趾應之有宛丘之俗則流爲株林之淫而澤陂應之微之著也如此夫

陳國十篇二十六章一百一十四句

集傳東萊呂氏曰變風終於陳靈其間男女
夫婦之詩一何多耶曰有天地然後有萬物
有萬物然後有男女有男女然後有夫婦有
夫婦然後有父子有父子然後有君臣有君
臣然後有上下有上下然後禮義有所錯七故
反男女者三綱之本萬事之先也正風之所
以爲正者舉其正者以勸之也變風之所以
爲變者舉其不正者以戒之也道之升降時

之治亂俗之汙隆民之死生於是乎在錄之
煩悉篇之重複亦何疑哉

集說

蘇氏轍曰詩止於陳靈何也古之說者曰王澤竭而詩不作是不然矣予以爲

陳靈之後天下未嘗無詩而仲尼有所不取也原詩之所爲作者發於思慮之不能自己而無與乎王澤之存亡也是以當其盛時其人親被王澤之純其心和樂而不流於是焉發而爲詩其詩無有不善則今之正詩是也及其衰也有所憂愁憤怒不得其平淫佚放蕩不合於禮者矣而猶知復反於正故其爲詩也亂而不蕩則今之變詩是也故曰變風發乎情止乎禮義發乎情民之性也止乎禮義先王之澤也先王之澤尚存而民之邪心

未勝則猶取焉以爲變詩及其邪心大行而
禮義日遠則詩淫而無度不可復取故詩止
於陳靈而非天下之無詩
也有詩而不可以訓焉爾

檜一之十三

集傳檜國名

陸氏德明曰檜本又作鄩○王氏應麟曰左傳國語作鄩地理志作

會

高辛氏火正祝融之墟

孔氏穎達曰昭十七年左傳梓慎云鄭祝

融之墟也鄭滅檜而處之故知檜是祝融之墟
楚語稱顓頊命南正重司天以屬神火正黎司
地以屬民則黎爲火正高陽時也言高辛者以
重黎是顓頊命之厯及高辛仍爲此職也黎實
祝融以五行官有火
正祝融則火官之號在禹貢豫州外方之北榮

波之南

孔氏穎達曰禹貢豫州云滎波既豬注云沈水溢出所爲澤也今塞爲平地滎

陽民猶謂其處爲滎澤滎澤滎波一澤名也

居漆洧之間其君妘姓

祝融之後

鄭氏康成曰祝融氏名黎其後八姓惟妘姓檜者處其地焉○孔氏穎達

曰黎弟吳回復居火正爲祝融吳回生陸終陸終生子六人四曰會人案世本會人即檜之祖

也○范氏處義曰王肅曰周武王封祝融之後於濟洛河穎之間爲檜子周衰爲鄭

桓公所滅而遷國焉今之鄭州卽其地也

皇興表鄭

州今開封府鄭州隸河南

蘇氏以爲檜詩皆爲鄭作如邶鄘

之於衛也未知是否

集說

鄭氏康成曰周夷王厲主之時檜公不務政事而好紫衣服大夫去之於是檜之變

風始作其國北鄰於虢○孔氏穎達曰案鄭語史伯於幽王之世爲桓公謀滅虢檜至平王之初武公滅之則幽王以前檜國仍在襄二十九年左傳魯爲季札歌詩云自檜以下無譏焉以其國小故也季札不譏風俗無以言焉故鄭不言檜之風俗○呂氏祖謙曰檜風之變固在於東遷之前然未必知其爲夷厲之世也○嚴氏桀曰檜世次莫考詩不言何君曰夷厲之間者鄭譜也平王初鄭武始滅檜前乎平何以知其非幽也當幽之時仲爲檜君言不刺仲也前乎幽又何可以知其非宣也周道復興之時不得有匪風之思也非幽非宣夷厲當之矣

案朱子集傳其於鄭也曰桓公子武公定平王於東都亦爲司徒又得號檜之地乃徙其封而施舊號於

新邑是爲新鄭說與鄭康成合及叙檜世系則曰周
衰爲鄭桓公所滅而遷國焉又與鄭譜異考國語桓
公爲司徒問於史伯因史伯之對乃東寄曄與賁
鄆受之十邑皆有寄地韋昭注曰賈侍中云寄地猶
寄止也事在幽王八年至十一年而桓公死幽王之
難是桓公時特有滅檜之謀耳周室既東武公繼桓
公爲平王司徒遂得號檜之地而遷國焉則檜實滅
於武公時矣桓公襲檜之說雖本韓非要當以國語
爲信至於蘇子由論國風次第曰檜詩不爲鄭而邶
鄆爲衛魏爲晉何也邶鄆魏之詩作於既滅其詩所
爲作者衛晉也至於檜風檜之未亡而作矣其譜檜
曰世次微滅故其詩之世不可得而推也朱子於魏
風首引蘇氏曰魏詩疑皆爲晉而作猶邶鄆之於衛
也則固然矣及檜風首引蘇氏以爲檜詩皆爲鄭作
如邶鄆之於衛也考蘇氏並無此說想屬朱子誤注
或其門人錯簡耶經義不便前後相質故特爲正之

羔裘逍遙狐裘以朝

直遙反叶
直勞反

豈不爾思勞心忉忉

音刀

集傳賦也緇衣羔裘諸侯之朝服錦衣狐裘其朝天

子之服也

嚴氏槩曰狐裘有白有青有黃此詩不指何色鄭氏以爲黃衣狐裘謂檜君以祭服

而朝也蘇氏以爲狐白謂檜君以朝天子之服而聽其國之朝也二說不同狐青爲臣下之服非檜君所

服檜君好潔其衣服亦必不舊說檜君好潔其衣服

逍遙遊宴而不能自強於政治故詩人憂之

集說

毛氏萇曰羔裘以遊燕狐裘以適朝國無政令使我心勞○孔氏穎達曰逍遙遊燕之事輕視

朝聽政之事重今先言燕後言朝者見君不能自強於政治惟好逍遙忽於聽政故後言朝也○范氏祖

禹曰急於遊燕而怠於政治此賢人所以去也夫忠臣之事君言不用而去之不得已也其心豈舍君哉故曰豈不爾思勞心忉忉○張氏栻曰其所事惟在於衣服之閒則其不能自強於政治可知矣

○羔裘翱翔狐裘在堂豈不爾思我心憂傷

集傳賦也翱翔猶逍遙也堂公堂也

集說

孔氏穎達曰上言以朝謂日出視朝此云在堂謂正寢之堂人君日出視朝乃退適路寢以聽

大夫所治之政二者於禮同服羔裘今檜君皆用狐裘故二章各舉其一○李氏公凱曰在公堂聽朝也我心憂之至於感傷也

○羔裘如膏

古報反

日出有曜

羊照反叶
羊號反

豈不爾思中心

是悼

集傳賦也膏脂所漬也日出有曜日照之則有光也

集說

孔氏穎達曰上二章唯言變易常禮未言好潔之事故卒章言羔裘之美如脂膏之色羔裘既

美則狐裘亦美可知故不復說狐裘之美○嚴氏聚曰凡人憂勞戒懼則不暇鮮其衣禹惡衣文王卑服衛文大布之衣是也今檜君羔裘之色潤澤如以脂膏漬之日出照之則有光曜其衣服之鮮明如此其志慮凡近可見矣安其危而樂其亡我心傷悼之也

總論

蘇氏轍曰檜君好盛服故以其朝服燕而以其朝天子之服朝夫君之爲是也則過矣然而非

大惡也而大夫以是去之何哉孔子之去魯爲女樂故也而曰腊肉不至蓋諱其大惡而以微罪行檜大

夫之羔裘則孔子之膳肉也歟此所謂以道去其君也○輔氏廣曰心無二用志於大者必遺於小溺於小者則亦無暇於大矣檜君方冥行而不覺而詩人則爲之憂勞傷悼若不能以一朝居夫人之心其初本同而未流之弊相去如此遠絕豈不哀哉○顧氏桀曰詩言衣裘之鮮潔所以形容其宴安無爲之意非以潔其衣服爲大故而去之也

羔裘三章章四句

集說

孔氏穎達曰檜既小而迫於大國君好修潔其衣服道遠遊戲而燕樂而不能用心

自強於政治之事大夫見其如是諫之而不從故去之作是羔裘之詩言已去君之意也○黃氏櫛曰觀羔裘一詩見臣子愛君之心未嘗一日忘雖去國矣而不敢無憂國之念君雖不用

道矣而不敢言其君之過託其意於羔裘而寓其情於憂傷邶之君子不能奮飛孟子之三宿

出畫皆此意也

庶見素冠兮棘人樂樂

力端反

兮勞心博博

徒端反

兮

集傳賦也庶幸也縞冠素紕音皮既祥之冠也黑經白

緯曰縞緣邊曰紕

毛氏莒曰素冠練冠也○孔氏穎達曰鄭以練冠者練布爲之而經

傳之言素者皆謂白絹未有以布爲素者則知素冠非練也故易傳以素冠爲既祥之冠王肅亦以素冠

爲大祥之冠孫毓以大祥說爲長

棘急也喪事欲其總總爾哀遽之狀

也蘇氏輟曰君子之居喪皇皇若無所容者此所謂棘人也樂樂瘠貌博博憂勞

之貌○祥冠祥則冠之禫

反徒感

則除之

劉氏瑾曰喪禮再期而大

祥自喪至此不計閏凡二十五月大祥之後中月而禫中閏也禫祭名澹澹然平安之意至此不計閏凡

二十七月今人皆不能行三年之喪矣安得見此服乎當

時賢者庶幾見之至於憂勞也

集說

鄭氏康成曰喪禮既祥祭而縞冠素紕時人皆解緩無三年之恩於其父母而廢其喪禮故覲

幸一見素冠急於哀戚之人形貌藥藥然腹瘠也勞心者憂不得見○李氏樗曰詩人既刺不能三年故君子思是服既祥之素冠棘人形貌之藥藥者今無此人此心所以悻悻而憂也○輔氏廣曰言庶見素冠兮而繼之以棘入藥藥兮蓋言情與服之相稱也不然服於外而忘於內則亦何以爲哉

○庶見素衣兮我心傷悲兮聊與子同歸兮

集傳賦也素冠則素衣矣

孔氏穎達曰大祥之祭其服以素爲裳裳而言衣

是大名故取衣爲韻

與子同歸愛慕之詞也

集說

鄭氏康成曰除成喪者其祭也朝服縗冠朝服縗衣素裳然則此言素衣者謂素裳也聊猶且

也且與子同歸欲之其家觀其居處○李氏樛曰言庶幾欲見服既祥之素衣者今無此人故我心傷悲也如有其人則我且與之同歸也○李氏本曰傷悲者有感於心而興悲也蓋此作詩之人必亦能終三年之喪者但以獨行無助爲衆所憎故憂思如此以其可與共學故欲與同歸也

○庶見素韞

音畢

兮我心蘊

反於粉

結

力叶訖

兮聊

與子

如一

兮

集傳賦也韠蔽膝也以韋爲之

孔氏穎達曰古者田漁而食因衣其皮先

知蔽前後知蔽後後王易之以布帛而猶存其蔽前者重古道不忘本也

冕服謂之韠勿

反

其餘曰韠韠從裳色素衣素裳則素韠矣蘊結思

之不解也與子如一甚於同歸矣

黃氏一正曰如一謂其志同也

集說

黃氏佐曰如一是視彼準繩求不與其尺寸由彼法則期不差於毫釐彼能奮不顧俗則我亦

不嫌於矯俗也既曰同歸又曰如一只是冀望之深而言轉切非見素冠則如彼見素衣則如此也

總論

輔氏廣曰素衣素冠不祥之服也常情之所厭見也檜國之俗不能行三年之喪則不復見此

既祥之衣冠矣而當時賢者庶幾見之而不可得則
至於憂勞如此是其心必有大不安者也幸而得見
之則又爲之愛慕而欲與同歸爲一焉是又必有大
慊於其心者也此秉葬之心也先王之制喪服亦以
是心而已豈強民而爲之哉○姚氏舜牧曰有三年
之喪則有既祥之素冠素衣素鞵當時無有爲此喪
者故賢者思一見之若是注慕之深○天理民彝在
人心皆有一種惻然相觸處故見棘人之藥樂我心
自惻惻其憂勞也見素衣而
傷悲見素鞵而蘊結亦此意

素冠三章章三句

集傳案喪禮爲父爲君斬衰三年昔宰予欲短
喪夫子曰子生三年然後免於父母之懷予也

有三年之愛於其父母乎三年之喪天下之通

喪也傳曰子夏三年之喪畢見於夫子援音琴

而弦術術苦旦反而樂作而曰先王制禮不敢不

及夫子曰君子也閔子騫三年之喪畢見於夫

子援琴而弦切切而哀作而曰先王制禮不敢

過也夫子曰君子也子路曰敢問何謂也夫子

曰子夏哀已盡能引而致之於禮故曰君子也

閔子騫哀未盡能自割以禮故曰君子也夫三

年之喪賢者之所輕不肖者之所勉

輔氏廣曰子夏閔子

寡之事毛傳所載與禮記不同先生并取宰予之事言之而不加一辭焉然熟讀而詳玩之則自有所發而可以爲情性之正矣○非以三年之喪爲足以報其親所謂喪三年以爲極亡則弗之忘矣者也至於聖人既爲中制則賢者必當俯而就就不肖者必當跂而及也

集說

鄭氏康成曰喪禮子爲父父卒爲母皆三年時人恩薄禮廢不能行也○范氏祖禹

曰檜當夷厲之時已如此則孔子孟子之世可知也

隰有萇

反丈羊

楚猗

反於可

儺

反乃可

其枝夭

反於驕

之沃沃

烏毒

反

樂

洛音

子之無知

集傳賦也萇楚鉤

遙音

弋今羊桃也子如小麥亦似桃

陸氏璣曰葉長而狹華紫赤色其枝莖弱過一尺引蔓於草上

猗籬柔順也天少好

貌

呂氏祖謙曰天如厥草惟天之天

沃沃光澤貌子指萇楚也○政

煩賦重人不堪其苦歎其不如草木之無知而無憂

也

集說

沈氏守正曰有生之樂人孰無之反萇草木之無知則不聊生甚矣與萇華知我如此不如無

生皆痛極之詞也○唐氏汝諤曰人生有知有知適自苦耳然有知既不樂而無知又不能此徒顧萇楚而興嗟也○朱氏道行曰萇楚宜下濕故曰隰有其枝猗籬始出柔嫩又少好而光澤子之得全於天者

惟無知也予方苦已之有而安能不樂子之無哉槍
民苦政煩賦重而作與王風兔爰尚寐無吽同意

○隰有萋楚猗儺其華

芳無胡瓜二反

天之沃沃樂子之無家

古胡古
牙二反

集傳賦也無家言無累也

集說

許氏天贈曰無知則無賦役之憂無家則無賦役之累

○隰有萋楚猗儺其實天之沃沃樂子之無室

集傳賦也無室猶無家也

總論

輔氏廣曰人之有知所以爲萬物之靈也有家
有室所以異於物也今也政煩賦重不堪其苦

反歎不如物之無知無家焉則不樂其生甚矣何爲使之至此極哉爲人上者宜有所覺矣○李氏本曰此詩小序以爲疾君淫恣而思無情慾說者遂以萋楚枝柔牽蔓比人之多慾而以未有牽蔓之時生意沃然者爲赤子之心至長有室家而後爲所牽蔓意亦善矣但此詩三章以枝華實爲次蓋自枝而華而實能遂其生之意義不在於引蔓故無取焉

隰有萋楚三章章四句

集說

鄒氏忠肅曰詩發乎情如其情以爲情者常也亦有反其情以爲情者檜風之萋楚

是也夫人懷五常之性爲有生最靈誰則甘冥然無知者且有心知即有情慾聞以未有室家爲苦不聞以無之爲快也今檜之民至於不樂有知不樂有家不樂有室致羨乎萋楚之猗離

豈復近於人情乎此所爲反其情以爲情也蓋世治則室家相保由上所養世亂則室家相棄

由上所殘是詩不知作於何時殆亡國之音乎

匪風發

叶方反

兮匪車偈

起竭反

兮顧瞻周道中心怛

都達反

旦悅反
兮

集傳賦也發飄揚貌偈疾驅貌

姚氏舜牧曰風發車偈皆出於陡然不測

者

周道適周之路也

濮氏一之曰周道與小雅大東周道如砥同

怛傷也

○周室衰微賢人憂歎而作此詩言常時風發而車偈則中心怛然今非風發也非車偈也特顧瞻周道

而思王室之陵遲故中心爲之怛然耳

集說

張子曰人之不安常如在風中車上○歐陽氏修曰我顧瞻嚮周之道欲往告以所憂而不得

往者非爲風之飄發非爲車之偁偁而不安我中心自有所傷怛而不寧也○董氏道曰猶匪兕匪虎率彼曠野之意言政之亂而人之不安也

附錄

毛氏萇曰發發飄風非有道之風偁偁疾驅非有道之車○鄭氏康成曰周道周之政令也○

呂氏祖謙曰前漢王吉曰詩云匪風發兮匪車偁兮說曰是非古之風也發發者是非古之車也偁偁者蓋傷之也

○匪風飄

符遙反叶
匹妙反

兮匪車嘌

匹遙反叶
匹妙反

兮顧瞻周道

中心弔兮

集傳賦也回風曰飄

孔氏穎達曰迴風爲飄釋天文李邕曰迴風旋風也一曰飄風

別二名

漂漂搖不安之貌

毛氏萇曰漂漂無節度也○孔氏穎達曰上章言疾車此

言無節度車之遲速當有驚和之節由疾故無節

弔亦傷也

○誰能亨魚漑

古愛反

之釜

符甫反

鶩

音尋

誰將西歸懷之好

音

集傳興也漑滌也鶩釜屬

陸氏德明曰說文云大釜也一曰鼎大上小下若甑

曰鶩○孔氏穎達曰釋器云甗謂之鶩孫炎曰閩東謂甗爲鶩然則鶩是甗亨魚用釜不用甗雙舉者以

其俱是食器故連言耳

西歸歸於周也

鄭氏康成曰櫓在周之東故言西歸○孔氏穎

達曰櫓在滎陽周都豐鎬周在於西故言西也

○誰能亨魚乎有則我願爲

之漑其釜鬻誰將西歸乎有則我願慰之以好音以見思之之甚但有西歸之人即思有以厚之也

集說

程子曰魚美好之物人所欲興善政人所思誰能亨魚以食人人將喜而助之誰能歸從周之

道人將樂而與之懷相要結也好音和聲喜樂相從也○朱氏公還曰亨魚則可得美味尊王則可得善治此皆可喜可願之事故用其語相呼爲興也○姚氏舜牧曰簡兮曰云誰之思西方美人此曰誰將西歸懷之好音當時致思於西周蓋如此

附錄

毛氏萇曰亨魚煩則碎治民煩則散知亨魚則知治民矣○張子曰溉之釜鬻欲治民不煩也

溉沃之使水多也水寬則魚不壞政亦務寬

總論

輔氏廣曰王政不綱周室陵遲諸侯放恣無復知有尊王之義者而詩人顧瞻周道爲之憂傷

聞有歸周之人則爲之歎慕慰勉而不能自己如此熟讀而詳玩之則足以見夫君臣之彝矣○朱氏公遷曰一章二章歎其衰微三章願其興復見文武之德在人而人不能忘如此○朱氏善曰周之盛時其君則文武成康其臣則周召毛畢東諸侯之朝覲聘問與其臣民之往來以供百役者若百川之赴海蓋靡日而不有也而今也征伐會盟之數吾小國僕僕焉奔走以事大國之不暇而適周者寂乎其無聞也則安得不爲之怛然而悲傷乎夫惟適周者之寂然也故又重言以結之曰孰有能西歸者乎有則我賴

慰之以
好音也

匪風三章章四句

集說

孔氏穎達曰作匪風詩者言思周道也以
其檜國既小政教又亂君子之人憂其將

及禍難而思周道焉○呂氏祖謙曰匪風下泉
思周道之詩獨作於曹檜何也曰政出天子則
強不陵弱各得其所政出諸侯則徵發之煩共
億之困征伐之暴唯小國偏受其害所以瞻懷

宗周爲
獨切也

案朱子辨序說云周道但爲適周之路此解其字義
也至詩之本意是思文武之道不第爲道路而言兩
義可合
觀耳

檜國四篇十二章四十五句

集說

錢氏天錫曰亂極則治而大亂之餘小國多疲於奔命不克保其社稷民間尤

哀思煩促故其思治爲獨深今觀檜風僅四篇而羔裘苦道遙之君素冠哀純孝之子萇楚歎不聊生之民時事如此又安得無匪風之思歟變風之終檜曹序詩者蓋有深意

曹一之十四

集傳曹國名其地在禹貢兗州陶邱之北

孔氏達

曰漢書地理志云濟陰定陶縣故曹國禹貢陶邱在西南陶邱亭是也言邱在曹之西南則曹

在邱之東北止言北者舉其大望所在耳

雷夏荷

音歌亦作荷

澤之野

孔氏

穎達曰禹貢兗州云雷夏既澤又云導菏澤紫
地理志雷夏澤在濟陰成陽縣西北菏澤在濟
陰定陶縣東二澤同屬濟陰濟陰
曹都所在是曹之封或在二澤
周武王以封

其弟振鐸今之曹州卽其地也

皇輿表曹州卽
今曹縣屬兗州

府曹州
隸山東

集說

鄭氏康成曰昔堯嘗遊成陽舜漁於雷澤
民俗始化其遺風重厚多君子務稼穡薄

衣食以致畜積夾於魯衛之間又寡於患難末
時富而無教乃更驕侈十一世當周惠王時政
衰昭公好奢而任小人曹之變風始作○孔氏
穎達曰地理志云濟陰定陶詩風曹國曹都雖
在濟陰其地則踰濟北春秋僖三十一年取濟
西田左傳曰濟西田分曹地也曹在汶南濟東

據魯而言是濟西是曹地在濟北也○魯在其
東南衛在其西北魯衛雖大於曹非如齊秦晉
楚自專征伐不敢侵曹由此所以寡於患難作
詩之時鄰國非獨魯衛而已舉魯衛畧餘國也
○范氏處義曰曹既弱小又不能用賢今所存
詩皆言任小人在位無君子則國非其國矣此
所以次於檜也

蜉蝣之羽衣裳楚楚

叶創舉反

心之憂矣於我歸處

集傳比也蜉蝣渠畧也似蛄音蜺音身狹而長有角

朱氏公遷曰
諸本脫有字

黃黑色朝生暮死

陸氏璣曰蜉蝣方土語也通謂之渠畧似

甲蟲有角大如指長三四寸甲下有翅能飛夏月陰雨時地中出

楚楚鮮明貌○此

詩蓋以時人有玩細娛而忘遠慮者故以蜉蝣爲比而刺之言蜉蝣之羽翼猶衣裳之楚楚可愛也然其朝生暮死不能久存故我心憂之而欲其於我歸處耳序以爲刺其君或然而未有考也

集說

輔氏廣曰衣裳楚楚乃是言蜉蝣之羽耳故以爲比體若以蜉蝣之羽興衣裳楚楚則是興體

也○嚴氏桀曰奢則國必弊大猶不堪況小而迫乎刺奢而言衣裳楚楚舉一端耳○朱氏公遷曰於我歸處則將告以人無遠慮必有近憂庶幾其有備而無患也

○蜉蝣之翼采采衣服

叶蒲北反

心之憂矣於我歸息

集傳比也采采華飾也息止也

集說

郝氏敬曰蜉蝣雖有翼而不能久如人修飾采采之衣服而不知禍之將至我心憂慮何所歸

息乎

○蜉蝣掘

反求勿

閱麻衣如雪心之憂矣於我歸說

音梳

反燕

集傳比也掘閱未詳

孔氏穎達曰此蟲土裏化生閱者悅憚之意掘閱者言其掘地

而出形容鮮閱也○呂氏祖謙曰說文掘作堀

說舍息也

總論

輔氏廣曰人心之體上下四方無不包括古往今來無不通貫可謂大矣今也玩細娛忘遠慮

至如蜉蝣之朝生暮死而不自知則亦不靈甚矣此詩人所以憂之○謝氏枋得曰此忠臣愛君憂國之至情其慮深其思遠若禍至之無日不自知其辭之痛惻也○金氏履祥曰君子念夫人雖不知久遠之計而亦知所以自修故心之憂之而欲其以我爲歸也蓋君子之於人無不欲其入於善苟有一毫自治之心固君子之所欲進之也

蜉蝣三章章四句

集說

陸氏德明曰鄭譜云昭公好奢而任小人曹之變風始作此詩箋云喻昭公之朝是

蜉蝣爲昭公作也譜又云蜉蝣至下泉四篇共公時作今諸本此序多無昭公字未詳其正也○范氏處義曰檜曹皆小國詩亦相似檜之變風始於羔裘曹之變風始於蜉蝣羔裘刺潔其

衣服蜉蝣刺好奢亦類也羔裘之詩不及政治序詩者以其逍遙遊燕而知其必不能自強於政治蜉蝣之詩不及小人序詩者以其將無所依而知其所用皆小人故不足恃然不能自強猶愈於將無所依此曹所以又出檜下也

彼候人兮何

何可反

戈與祲

都律都外二反

彼其

音記

之子三百赤

芾

芳勿蒲昧二反

集傳興也候人道路迎送賓客之官何揭祲音殊也

孔氏穎達曰夏官序云候人上士六人下士十有二人史六人徒百有二十人此說身荷戈祲謂作候人之徒屬非候人之官長也戈受俱是短兵祲字從受故知祲爲受也之子指小人芾冕

服之韠也

孔氏穎達曰韠是配冕之服形制同於韠別言之則祭服謂之韠他服謂之韠○韠

氏彛曰韠當作韠古字通也蔽膝之韠從韋黼黻之黻從黼采蔽疏云士服爵弁以韠韠配之則服冕者

以韠配之韠韠俱是蔽膝之象

一命

溫音

韠黝

西音

珩

再命

赤韠

黝珩

三命赤韠蔥珩大夫以上赤韠乘軒

孔氏穎達曰韠之言蔽也韠赤

黃之閒色所謂韠也珩佩玉之珩也黑謂之黝青謂之蔥周禮公侯伯之卿三命下大夫再命上士一命然則曹爲伯爵大夫再命是大夫以上皆服赤韠於法又得乘軒故連言之

○此刺其君

遠君子而近小人之詞言彼侯人而何戈與祿者宜也彼其之子而三百赤韠何哉晉文公入曹數其不

用僖負羈

許氏謙曰曹賢大夫

而乘軒者三百人其謂是歟

嚴氏

祭曰事見左傳僖二十八年

集說

輔氏廣曰諸侯之制大夫五人而已而曹國之小赤芾而乘軒者至三百之衆此末章所以有

蒼蔚朝隲之比也○黃氏佐曰興意取侯人宜於所役小人不宜於所服相反爲興○顧氏起元曰三百赤芾已是服之盛而寵之至故下二章遂承此而興不稱其服不遂其媿也

附錄

孔氏穎達曰言共公疏遠君子賢者之官不過候人是遠君子也又親近小人曹朝三百人皆

服赤芾是其近小人也○范氏處義曰內君子而外小人泰之象也內小人而外君子否之象也候人之官遠在邊境所掌者何戈與殺之役而使君子居之赤芾者卿士之服常在君側而使小人居之是內小

人而外君子也故序以遠近
言之曹之爲國視此可知矣

案使人首章毛傳主賦蓋言賢者之官不過候人而
不賢者佩赤芾乃三百人所謂遠君子而近小人也
朱傳主興蓋言候人而何戈與祿固宜彼其之子而
三百赤芾何哉是專指近小人而言也至末章季女
斯飢始見遠君子之意在毛傳朱傳其解詩之大義
相同而首章有賦與興之各別然賦則直陳興則婉
喻耳與作詩者
之旨皆無害也

○維鵜

徒低反

在梁不濡其翼彼其之子不稱

尺證反

其服

叶蒲反

集傳興也鵜鶘

音鳥又火故反

澤水鳥也俗所謂淘河也

孔氏

穎達曰郭璞曰鵜鵂好羣飛入水食魚故名洿澤陸璣疏云鵜形如鶚而極大喙長尺餘頷下胡大如數升囊若小澤中有魚便羣共杼水滿其胡而棄之令水竭盡魚陸地乃共食之故曰淘河梁水中魚梁也

集說

鄭氏康成曰鵜在梁當濡其翼而不濡者非其常也以喻小人在朝亦非其常不稱者言德薄

而服尊○歐陽氏修曰鵜當居泥水中以自求魚而食今乃邈然高處魚梁之上竊人之魚以食而得不濡其翼如彼小人竊祿於高位而不稱其服也

○維鵜在梁不濡其味

反 降救

彼其之子不遂其媾

反 古豆

集傳興也味喙遂稱媾寵也遂之爲稱猶今人謂遂意曰稱意

集說

張子曰不遂其媾不稱其寵待也○朱氏道行曰媾訓寵知遇非常捫心負愧故曰不遂

○薈

烏會反

兮蔚

於貴反

兮南山朝隤

子兮反

婉

於阮反

兮嬖

力轉

反

兮季女斯飢

集傳比也薈蔚草木盛多之貌朝隤雲氣升騰也婉

少貌嬖好貌○薈蔚朝隤言小人衆多而氣燄盛也

季女婉嬖自保不妄從人而反飢困言賢者守道而

反貧賤也

集說

孔氏穎達曰言南山朝隤則有物從山上升也必是雲矣詩人之作自歌土風南山曹南山也

○蘇氏轍曰小人朋黨相援竝進於朝如南山之升雲蒼蔚而上莫之能止君子守道困窮於下如幼弱之女雖有飢寒之患而婉孌自保不妄從人季女者無求於人而人之所當求也○張氏彩曰蒼蔚本草木盛多貌詩人借以狀雲興之驟也○賢人潛修如處女然故古人每取爲喻婉孌言其丰儀之可慕也

總論

范氏處義曰近小人則遠君子勢不兩立必然之理也○輔氏廣曰一章言候人而何戈與祲

者宜矣彼小人而三百赤芾何哉問之也二章三章則以維鵜在梁不濡其翼味以興彼小人者不稱其服寵惜之也末章方言小人之盛而賢者不得其所此蓋當時君子之詞也所謂賢者其指僂負羈歟使晉文公以是爲曹之罪而伐之則其賢而失所亦可知矣○姚氏舜牧曰候人雖一職之微然皆各供其事任其勞彼赤芾者優游於朝著之閒不稱不遂但比周爲黨蒼蔚如南山之朝隣何怪婉孌自守者之

不得其食哉益深
恨而痛刺之詞

候人四章章四句

集說

許氏謙曰曹叔振鐸至共公十五世而有
候人詩其言與左氏傳合餘三詩莫知其

世

鴈鳩在桑其子七兮淑人君子其儀一兮其儀一兮心

如結

叶訖
力反

兮

集傳興也鴈鳩結

音

憂鞠也亦名戴勝今之布穀也

郭氏

璞曰江東呼獲穀一名擊穀一名桑鳩

飼

音

子朝從上下暮從下

上平均如一也

嚴氏縈曰郊子所謂鴈鳩氏司空如鴈鳩平均故爲司空平水土也

結如物之固結而不散也

張氏栻曰結云者實而不散也○金氏履祥曰如結

言心不散○詩人美君子之用心均平專一故言鴈鳩在

桑則其子七矣淑人君子則其儀一矣其儀一則心如結矣然不知其何所指也陳氏曰君子動容貌斯遠暴慢正顏色斯近信出辭氣斯遠鄙倍其見於威儀動作之閒者有常度矣豈固爲是拘拘者哉蓋和順積中而英華發外是以由其威儀一於外而心如

結於內者從可知也

輔氏廣曰陳氏引曾子之言爲說不惟解得此詩之意出又正

得曾子所言之本旨內外無二理見其外可以覘其內也

集說

劉氏向曰傳曰鴈鵠之所以養七子者一心也君子所以理萬物者一儀也○蘇氏輟曰鴈鵠

之哺其子平均如一君子之於人其均一亦如是也儀其見於外者有外爲一而心不然者矣君子之一也非獨外爲之其中亦信然也故曰其儀一兮心如結兮○朱氏公遷曰鴈鵠之子七兮衆矣而所以飼之者均平如一也人之一身其容儀亦已多矣而君子之容儀未嘗謹於此而不謹於彼亦均平如一也所以然者以其心專一耳其心專一則敬惕常存而施諸身者無不中其常度矣衛武公以抑抑威儀爲德之隅而又以不愧屋漏爲德之實蓋與此詩同一意也○姚氏舜牧曰鴈鵠心一而無二其飼子也均

君子之心固結而不解故其爲儀也一心如結兮是
一章大綱領下文正是國人胡不萬年皆本於此

○鴝鳩在桑其子在梅

叶莫悲反

淑人君子其帶伊絲

叶新齊反

其帶伊絲其弁伊騏

其音

集傳興也鴝鳩常言在桑其子每章異木子自飛去

母常不移也帶大帶也大帶用素絲有雜色飾焉

孔氏

穎達曰玉藻云雜帶君朱綠大夫玄華士緇辟是其有雜色飾焉

弁皮弁也騏馬之

青黑色者弁之色亦如此也

朱氏公遷曰絲帶則當騏弁如緇衣羔裘之類

欲其色之相稱也

書云四人騏弁今作綦

蘇氏輟曰騏或作璫璫弁之結飾以

玉爲之 ○言鴛鴦在桑則其子在梅矣淑人君子則其

帶伊絲矣其帶伊絲則其弁伊騏矣言有常度不差

忒也

集說

蘇氏轍曰帶伊絲矣而弁不璆則爲充於下而

行無不充足者故周旋反復視之而無不一矣君子之
絲帶而充之以騏弁耳夫無一不然者一之至也德
未充而求其能一不可得也既已充矣而求其有一
不然亦不可得也○朱氏公遷曰鴛性專一故不失
在梅之子君子之心專一故不失其外之儀衣服者
威儀之一也衣服亦中其常度則施諸身者無所不
均可見矣○王氏志長曰其帶伊絲其弁伊騏正謂
其儀一也心之如結不可見觀之其儀而已矣服飾

容止似屬小節然德器學問於此可見

○鴈鳩在桑其子在棘淑人君子其儀不忒它得反其儀

不忒正是四國

叶于逼反

集傳興也有常度而其心一故儀不忒儀不忒則足

以正四國矣

李氏樗曰此言儀之一可以爲四國之矜式

大學傳曰其爲

父子兄弟足法而後民法之也

輔氏廣曰觀大學傳所言則此詩所指之

君子必大賢以上人也中庸曰君子篤恭而天下平

○黃氏佐曰儀字不須以爲父子兄弟言引傳而言者朱子特取足法而

后民法之之意耳

集說

朱氏公遷曰威儀本有常度其心又復專一則能使之各中其度而無少差忒者矣四國者四

方之國非一人也然威儀俱中其度則教示之功可以均及於彼矣○錢氏天錫曰正是四國不重感化只重我足以正四國也回在朝修靡之習革在野奇衰之風

○鳴鳩在桑其子在榛

側中反

淑人君子正是國人正是

國人胡不萬年

叶尼反

集傳興也儀不忒故能正國人

姚氏舜牧曰正國人即承上正四國說非

二層意胡不萬年願其壽考之詞也

集說

蘇氏轍曰鳴鳩則在桑而已其子則不可常也以其愛之則宜其無所不從然以爲從其在梅

則失其在棘從其在棘則失其在榛是以居一以俟之而無不及者此得一之要也○朱氏公遷曰國人亦非一人正是國人亦見均及於人之意能正國人則願其壽考使人常有所法也

總論

劉氏瑾曰鵬鵠之子雖非一而鵬鵠飼之之心則如一其子之飛往雖無常而鵬鵠居以待之

則有常詩人託興之取義者亦以應接事物之變四國人民之衆而君子則度有常而心如一也然其言之有序以爲君子之心如結是以其儀專一而有常度有常度是以其帶與弁亦有常而不差忒不差忒是以其儀不忒而可以表正四國表正四國則其終也可以受天之祿而壽考萬年是雖祝願之詞固亦天人感通之理也○陳氏櫟曰心結而儀一且不忒表裏一致也四國國人之皆正遠邇一致也由之久而胡不萬年久近一致也國人願其年壽之久豈非欲賴其表正之久哉○汪氏應蛟曰易曰聖人以此

洗心退藏於密密則無悶可息無隙可乘如結之謂也故徵諸身而容止有常冠服有章其民望而敬之則而象之蓋精神流浹者深矣於正四國何有

鴈鳩四章章六句

集說

朱氏公遷曰曹小國也有賢如此則曹豈止於曹哉但詩詞寬廣無數惜招徠之意

則又非棄而在野者是故不知其所指也

附錄

孔氏穎達曰經云正是四國正是國人皆謂諸侯之身能爲人長則知此云在位無

君子者正謂在人君之位無君子之人在位之人既用心不一故經四章皆美用心均一之人舉善以駁時惡

案鴈鴒篇序以爲刺詩朱子以爲美詩何相遷庭耶
蓋序主論世以曹之在位無足以當之故以爲刺也
朱子以詩中未含刺意且曹之世次
無考故以爲美也今合從朱傳爲長

冽

音列

彼下泉浸彼苞稂

音郎

愴

苦反

愛

我寤嘆念彼周京

叶居

良反

集傳比而興也冽寒也

孔氏穎達曰七月云二之日栗冽字從冰是遇寒之意故

爲寒也

下泉泉下流者也

孔氏穎達曰釋水沃泉縣出縣出下出也李廵曰水泉從

上溜下出此言下泉謂泉下流是爾雅之沃泉也

苞草叢生也稂童梁莠屬

也

陸氏璣曰禾秀爲穗而不成崩蕤然謂之童梁今人謂之宿田翁或謂守田也○孔氏穎達曰此稂

是禾之秀而不實者故

非灌溉之草得水而病

愾歎息之聲也

王氏志長曰寤歎者厭亂

思治之切一寤即嘆也

周京天子所居也○王室陵夷而小國

困弊故以寒泉下流而苞狼見傷爲比遂興其愾然

以念周京也

集說

程子曰泉之潤物猶政令膏澤之及人泉寒冽則不能潤物在下則不能及物浸漬則害物苞

叢生之茂者乃反害之是皆不得其所也愾然既寤而歎念周道之衰也○蘇氏輟曰民之苦於虐政猶

狼之得下泉也○季氏本曰先王盛時民勤農業則引泉以灌禾黍今田野荒蕪無復有良苗者而冽泉

在下惟浸苞狼而已下泉寒無生意而草皆病焉以比民之憔悴於虐政而因以起興也所以愾歎而念

周京者良欲其留意於恤民耳○黃氏佐曰比意取寒泉下流而苞狼見傷比王室陵遲而小國困弊興意取寒泉之於苞狼有相傷之意興憫我之於周京有相悲之意

○冽彼下泉浸彼苞蕭

叶疎鳩反

憫我寤嘆念彼京周

集傳比而興也蕭蒿也京周猶周京也

集說

郝氏敬曰冽然下流之泉五穀不登浸彼叢生之蒿耳故我憫然寤嘆念昔京周之盛焉

○冽彼下泉浸彼苞蕭

音尸

憫我寤嘆念彼京師

叶霜夷反

集傳比而興也著莖草也

許氏慎曰著蒿屬生千歲三百莖易以爲數天子著

九尺諸侯七尺大夫五尺士三尺

○陸氏璣曰似賴蕭青色科生

京師猶京周也詳

見大雅公劉篇

集說

孔氏穎達曰周京與京師一也因異章而變文耳周京者周室所居之京師也京周者京師所

治之周室也桓九年公羊傳云京師者何天子之居也京者何大也師者何衆也天子之居必以大衆言之是說天子之都名爲京師也

○芄芄

薄工反

黍苗陰雨膏

古報反

之四國有王邠

音荀伯勞

力報反之

集傳比而興也芄芄美貌邠伯邠侯文王之後嘗爲

州伯治諸侯有功

孔氏穎達曰僖二十四年左傳富辰稱畢原鄭邠文之昭也○李氏

樛曰王制謂二百一十國爲州州有伯是九州中有九伯也○王氏應麟曰春秋釋地曰解縣西北有郇城左傳盟於郇說文國在晉地○李氏本曰郇雖文王之子所封而郇伯則其後也故鄭氏謂其爲文王子而集傳則改爲文王之○言黍苗既芄芄然矣又後亦不知其爲何時人矣

有陰雨以膏之四國既有王矣而又有郇伯以勞之

傷今之不然也

集說

孔氏穎達曰言芄芄然盛者黍之苗也此苗所以得盛者由上天以陰雨膏澤之故也以興四方之國所以得治者由有郇國之侑爲伯以恩德勞

來之故也今無賢伯致曹國之不治故思之○上有明王下有賢伯則諸侯以時朝聘善惡則有黜陟之義大司馬掌九伐之法正邦國賊賢害民則伐之爾

時諸侯必不敢暴虐也○范氏處義曰以陰雨喻周之澤謂其溥博霑足無此疆爾界均及於四國也言四國則不獨曹之民思

周室四國皆望之矣

總論

輔氏廣曰洎彼下泉浸彼苞稂則衰荅之意可見范范黍苗陰雨膏之則生生之意可見何詩

人之善於形容也夫王室陵遲則小國困弊天下之勢常相關也范范黍苗陰雨膏之天之生物終無已也四國有王邠伯勞之天子愛諸侯終無已也今乃不然是故君子之所憂思也○許氏謙曰泉固以潤物也然必於春夏之時乃能發生至於寒則不適於用而徒以浸彼稂蕭著草而又傷之耳於以見王澤不下流而所被之政非澤也寤歎則見其憂思之極辛章則先王之政也○錢氏天錫曰重四國有王句念周京者念王室也有王則大國修方伯連帥之職而小國倍安況有承王命而布王恩者下泉所以寤

歎於周京也三章
悼今末章思古也

下泉四章章四句

集傳程子曰易剝之爲卦也諸陽消剝已盡獨
有上九一爻尚存如碩大之果不見食將有復
生之理上九亦變則純陰矣然陽無可盡之理
變於上則生於下無間可容息也

朱子語類問
變於上則生

於下乃剝復相因之理畢竟須經由坤坤卦純
陰無陽如此陽有斷滅也何以能生於復曰凡
陰陽之生一爻當一月須是滿三十日方滿得
那腔子做得一畫成今坤卦非是無陽陽始生

甚微未滿那腔子做一畫未成非是坤卦純陰便無陽也陰道極盛之時其

亂可知亂極則自當思治故衆心願戴於君子

君子得與也詩匪風下泉所以居變風之終也

○陳氏曰亂極而不治變極而不正則天理滅

矣人道絕矣聖人於變風之極則係之以思治

之詩以示循環之理以言亂之可治變之可正

也

集說

呂氏祖謙曰匪風下泉雖皆思周道之詩然匪風作於東遷之前此一時也下泉作

於齊桓之後此又一時也○嚴氏彛曰鄭襄裳思大國之見正蓋齊桓未霸也曹共之時晉文霸業方盛襄王命之爲侯伯下泉顧思明王賢伯何耶曹固可罪而文於曹虐矣執其君分其田以私憾故觀駢脅事見僖二十三年將甘心焉僅以貨免文寧能帖曹乎下泉愧木瓜矣


曹國四篇十五章六十八句

集說

陳氏傅良曰檜亡東周之始也曹亡春秋之終也夫子之刪詩繫曹檜於國風

之後於檜之卒篇曰思周之道也傷天下之無王也於曹之卒篇曰思治也傷天下之無伯也○陳氏埴曰周之東遷豈專闕於一檜之亡而春秋之終豈專繫於一曹之亡止齋之言或以無王無霸之時惟小國滅亡最先故小國思患最切是以聖人繫詩作春秋每

於小國觀世變非謂
由此二國致禍也



欽定詩經傳說彙纂卷八